



Broj predmeta: 13-000469/22
Broj akta: 01.1-1413EK-0017/22
Datum, 12.5.2022.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članovima 25 i čl. 32 stav (1) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-000469/22 od 15.4.2022. godine i Mišljenja Pravobranilaštva Brčko distrikta BiH broj:M-570/22 od 12.5.2022. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJIH PONUĐAČA

Član 1

(1) U provedenom otvorenom postupku s međunarodnom objavom za nabavku usluga servisiranja i održavanja mašinskih instalacija, klima uređaja, toplovodnih pumpi i protiv požarne zaštite u javnim objektima za period od 2022.- 2025. godine – lotovi 1-3 za potrebe Kancelarije za upravljanje javnom imovinom Brčko distrikta BiH, izabrani su najpovoljniji ponuđači kojima se dodjeljuje okvirni sporazum po pojedinim lotovima za period 2022.2023.2024. i 2025. godine.

a) Naziv najpovoljnijeg ponuđača za Lot 1 je „**KGH-INSTALACIJE**“ d.o.o. Brčko.

Lot 1 - Usluge servisiranja i održavanja mašinskih instalacija u javnim objektima

Vrijednost okvirnog sporazuma sa uračunatim PDV-om iznosi **169.650,00 KM.**

b) Naziv najpovoljnijeg ponuđača za Lot 2 je „**MD MONTEL**“ d.o.o. Brčko.

Lot 2 - Usluge servisiranja i održavanja klima uređaja i toplovodnih pumpi u javnim objektima

Vrijednost okvirnog sporazuma sa uračunatim PDV-om iznosi **93.600,00 KM.**

c) Naziv najpovoljnijeg ponuđača za Lot 3 je „**ENERGO SISTEM**“ d.o.o. Brčko.

Lot 3 - Usluge servisiranja i održavanja protiv požarne zaštite u javnim objektima

Vrijednost okvirnog sporazuma sa uračunatim PDV-om iznosi **32.760,00 KM.**

Član 2

Postupak je proveden na osnovu Odluke o pokretanju postupka javne nabavke broj: 13-000469/22 od 18.2.2022. godine, Obavještenja o nabavci na portalu javnih nabavki broj: 1157-1-2-108-3-157/22 od 24.2.2022. godine, specifikacije usluga u vezi sa Tenderskom dokumentacijom broj: 13-000469/22 i ponuda najpovoljnijih ponuđača.

Član 3

Finansiranje nabavke iz člana 1.ove odluke će se izvršiti iz budžeta za 2022. godinu, odlukama o privremenom finansiranju Vlade i institucija Brčko distrikta BiH za budžete 2023.,2024., i 2025. godine, a po usvajanju budžeta sa organizacionog koda 27010003 – Sektor održavanja i ekonomskog koda 613700 – Izdaci za tekuće održavanje.

Obrazloženje

Komisija za nabavke je nakon izvršenog otvaranja ponuda konstatovala da su dostavljene tri ponude, sljedećih ponuđača: “Energo Sistem” d.o.o. Brčko, “MD Montel” d.o.o. Brčko i “KGH-Instalacije” d.o.o. Brčko. Sastavni dio odluke čini zapisnik sa otvaranja ponuda i zapisnik o pregledu i ocjeni ponuda. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim i ponude prihvatljivim. Komisija je ustanovila da je postojala računaska greška u ponudi ponuđača „KGH - Instalacije“ d.o.o. Brčko koji je dostavio saglasnost za ispravku. Nisu postojali elementi za sumnju u neprirodno nisku cijenu ponuda i pošto je dostavljena po jedna ponuda za svaki od lotova, nije vršena e-aukcija. Utvrđeno je da je za Lot 1 ponuda prevazišla procijenjenu vrijednost nabavke i od Kancelarije je zahtijevano dostavljanje podataka o postojanju dodatnih sredstava za finansiranje nabavke. Kancelarija se izjasnila da postoje sredstva i da se može nastaviti sa postupkom nabavke. Komisija za nabavke je u skladu sa kriterijem najniže cijene dostavila preporuku o dodjeli okvirnog sporazuma najpovoljnijim ponuđačima.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Kancelariji za upravljanje javnom imovinom,
5. «Službenom glasniku Brčko distrikta BiH»,
6. Arhivi.

